



19.november 2020

UKA2020/91

**Illoqarfinni nunaqarfinnilu, immap tinittarnera ulerujussuarterneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2021-mut naammassereersimasussamik Naalakkersuisut pilersaaruisoq-qullugit peqquneqarnissaannik Inatsisartut aalajangiiffigisassaattut siunnersuut.** (Inatsisartunut ilaasortaq Bentiaraq Bendtsen Ottosen, Atassut)

Silaannaap allanngoriartornerata kingunerisaanik maannakkut ulittarnera tinittarneralu allanngoqaat, soorlu aamma anorersuit amerlanerulerlutillu sakkortuneruleqisut.

Siunnersuuteqartup aarleqqutaa passilluarsinnaavarput aammalu pilersaaruteqartariaqarneranik ujartuina paasilluarsinnaallugu.

Umiatsialiviit umiarsualiviit eqqanaarsarfigisariaqarpavut ajorunerusumik inissisimaleqqunagit, ilami ullumikkut sumiiffippassuarni ajortumik atugassaqarfiutisereersuummata ajornerulernissaannik illersortariaqaratsigit.

Taamaamat qujassutissaavoq maanna "Umiarsualivinnut immikkoortumut pilersaarut 2017-2027" siusinnerusukkut akuersissutigineqarneratigit suliat tulleriissaarnissaannik malinnaatitsiffiumik peqaratta. Taamatut oqareerluta aamma takusinnaavarput aningaasaliissutigisartakkavut qulequttamat tamarmut matussusiisusaaq nuna tamakkerlugu aningaaliissutigineqartut 25,2 mill kr-ninnaapput umiarsualiveqarfinnut, talittarfinnut umiatsialivinnullu ataatsimut isigalugu. Nunatsinni suliat kinngussaaqqasut amerlapput, isumaqarpugullu pitsaanerussasoq aningaasaliissutigisakkatta ullutsinnut atukkanut naapertuuttuunerusut nalilersornerunissaanut nukissavut atussagivut.

Siunnersuuteqartup siunertaa paasilluaraluarlugu isumaqanngilagut piffissaasoq maanna tinittarnerup ulittarnerullu peqqutigisaanik isumannaallisaanermut nukiit atussanngitsut isumaqarnerullu-talu pissutsit tamakku aarleqqutigineqartut pillugit suliniarneq uaniittariaqartoq umiarsuarliviit talittarfiillu ullutsinnut tulluarnerusut pilersissallugit nukiit atorneqassasut.

Taamatut oqaaseqarluta siunnersuut tapersingilarput.